

Mampruli - Teesa Litaafi - Good-Bad Mind Scriptures

Teesa Litaafi - Good Mind Scriptures

Maaki 5:15 Ka niriba daa yi na ni ba ti nya yetto'aseaa kan ninji maa. Ban daa paai na maa, ba daa nya arizindima nɔn yi ka kye dɔsɔ la, ka u zi la sunja ka ye u sutura ka yetto'aseaa ka u.

Luuki 8:35 nti tisi lahabaari zanji n-kyanji ban nya seem maa. Ka niriba pam daa siri yi na ni ba nya yetto'aseaa kan ninji maa. Ban daa paai na, ba daa nya doo maa, ka arizimbeeri yi ka kye u, ka u zi la Yisa tooni ka ye u sutura ka yetto'aseaa ka u. Di daa gbaai ba dabeem pam.

Tuumudima Tuma 17:11 Beni niriba maa sufu daa neaai n-gaari Tesalonika dima dinni. Ba daa deaai Naawunni yeligu maa ni nimmoaa, ka daa gbaai Naawunni Litaafi karingu dabsa kam, ni ba ti banji di siri be lala, bee?

Tuumudima Tuma 20:19 N daa gyeemni Naawunni ni mansigsigu, ni kunkuma; halli ni Yehudiyadima ban daa boori ni ba tum ma tumbeeri zaa.

Room Dima 7:25 Ay! M pe'ari Naawunni ka puusiri u barika, dama nɔn pun fa ma m-basi, Yisa Kirisita Masiiya ti Dugma zugu. Ah, to! M mammanja sufu ni teesa puuni ka n doli la Naawunni zaaligu sosunju, amaa n duniya wa ni ningbina beesigu puuni ka n na doli la Ala'akyi sɔbeoo.

Room Dima 8:6 Ningbinkorisi teesa tiri la kum, amaa sii maa beesigu teesa tisiri la nyɔvuri ni sufudoaa.

Room Dima 8:27 Naawunni mun viisiri m-banji din be ninsaalidima sufu ni, ka laa m-banji din be Sii maa teesa ni, dama Sii maa zori la Naawunni niriba sindaani n-tiri ba, ka nɔn ninji seem maa doli la Naawunni yuubu soori.

Room Dima 11:34 "Ka nɔni n na mi m-banji Naawunni teesa gbinni? Bee, nɔni n na mi n-kpaam u?"

Room Dima 12:2 Yan di kye ka duniya wa dima beesigu mugsu ya, ni ya gba be la lala; amaa ya kye ka ya beesigu takki n-doli ya nini nɔn neaai n-nya sɔpaalli la. Ya tumma Naawunni yuubu tuma nti banji a gbinni, ni, a veela ka laa n-nye bunsuma zaa ka Naawunni nini n tigri a.

Room Dima 12:16 Ya la'amma m-be ni taaba ni sugru. Yan di duusi ya mansi amaa ka sakki n-tabli tarimma saani. Yan di boori ya mansi, bee, n-yetti ni, yem daandima n nye ya.

Room Dima 14:5 M-paasi yaasa, seeba saani dabsiseesi veela n-gaari taaba, ka seeba mun saani ka a zaa nye la yimmu. Sokam zaa zaanma sunja u toori teesa puuni.

Room Dima 15:6 Ka ya nin la'am n-zanji nangbanyinni m-pe'ai Naawunni nɔn nye ti Dugma Yisa Kirisita Ba la.

1 Korinti Dima 1:10 To: ka n susiri ya, m mabiisi, ti Dugma Yisa Kirisita zugu, ni, ya zaa mari nangbanyinni ni taaba; yan di nmeeri nangbankpeemni n-woligri ka kyeri taaba. See ka ya kpamsiri taaba ka mari sufu yinni ni teesiyyinni.

1 Korinti Dima 2:16 Ni :- "Dama ti Dugma sufu ni teesa muna - Doni n na mi m-

banji a? Doni mun nmeeri u saawara?" Tirima mun mari la Kirisita Masiya sufuni teesa.

2 Korinti Dima 7:7 Ka di pa la u kyenni na maa koka, amaa yan ni non non daa mari sufumaasim ni taaba seem la zugu. U daa yetti yan boori ti yela seem la, ni yan nyari sufusa'angyu seem, taalli maa zugu; m-paasi yan zangyi ya sufu zaa n-nin na: ka lala daa kye ka n sufu maai halli nti yakki.

2 Korinti Dima 8:12 Ya bu nya? - ninvugso yi ti boori ni u tisi, piini maa deaari doli la non mari seem, pa non ka seelli la. (1 Kronika 28:9)

2 Korinti Dima 9:2 Dama m pun mi halli yan boori ni ya sunji lala seem. Halli n pun tibgi ya yuuri Masidoonya dima saani, ni, ya Akaaya tingbanju dima wa n pun maali ya siri ni ya tisi ka di yuui, halli yuurni la sa. Ka ya zigizigi la yela daa kye ka ba niriba pam gbaai tuma wa m-paasi.

2 Korinti Dima 13:11 Yetto'a maa naari, m mabiisi, nye la: ni, ya kpalim sunja. Ya kye ka ya kpanji ya mansi, kye ka ya sufu kpamsi, ka mari nangbanyinni n-ti taaba, ni sufudooa zaa. Naawunni siri nye la Sufudooa ni Wurilim Daana, ka u nin be ya saani.

Esasusi Dima 4:23 Ni, ka kye ka ya teesa leebi teesipaala.

Filipaai Dima 2:2-5 To: ka anjo zaa yi siri be lala, dinnona n susiri ya ni, ni, ya sakkri taaba, ka laa n-wuri taaba, ka ya sufu la'am n-leebe yummu, nti mari nangbanyinni ni taaba: lala nin kye ka n sufu maai zaa. 3 Yan di kye ka beem bee fugbu be ya saani, amaa ya sigsima ya mansi n-tiri taaba, ka kye ka ya sokam gosiri u taraana yela, ni, u tibi n-gaari u mammanja. 4 Ya kye ka ya sokam ba'a be la u taraana bukyi ni, pa la u mammanja dinni. 5 Ya laa n-kye ka ya sufu ni teesa doli la ya taaba beebu Kirisita Yisa Masiya saani. Dama non Yisa muna :-

Filipaai Dima 4:2 To; ka nyin, Yuwodia, ka n susiri i ni, ni nyin, Sintikiyi, gba; n susiri ya ni, ni, ya mari nangbanyinni ni taaba, ti Dugma maa zugu.

Filipaai Dima 4:7 Naawunni siri tisiri sugru ni sufudooa ka di gaari ti nin toaai m-banji seem zaa. U nin kye ka lala sugru ni sufudooa guri ya sufu yela, ni ya sufu ni teesa zaa, yan be Kirisita Yisa saani zugu. (Aizaaya 26:3)

Koloosi Dima 3:12 Naawunni siri yiisi ya, ni ya ti leebi u manja niriba; ka laa n-wuri ya. Ka lala zugu ya nin zangyi beesipaalli wa kpariveelli n-yea - di nye la : nambozoa ni kunja, nirilim, mansigsigu, mangbaari ni sugru.

2 Tesalonika Dima 2:2 Ti susiri ya ni, ti mabiisi, ni, yan di kye ka ya yem nmaara, bee, n-gyigra, seeba non yetti, ni, ti Dugma lappu na pun gaari la zugu, halli so yi ti to'asi anabitiri n-yeli lala, bee, so yi to'asi Yeligu maa yetto'a n-yeli lala, bee, ba yi ti sobi gbanju, ni, ka yiiri la tirima saani na, n-yeli lala ka puuni.

2 Timoti 1:7 Dama Naawunni daa bu zangyi la u Siya n-ti ti, ni u ti kye ka ti zori dabeem; amaa u Sii maa nin kye ka ti mari yiiko ni wurilim, ka mari ti mansi sunja.

Taituusi 2:6 Di sumni, ni, i kpamsi na'akyimbisi la gba ka ba mari mangbaari.

Hibruu Dima 8:10 Ni :- " 'Dinjo ka n nin basi noori n-ti ba, ni, n nin sunji ba dabsa an kyenni na:' - lala ka ti Dugma daa yeli - 'Ni, "N nin zangyi n zaaligu yela n-so'ai ba sufu ni; Di ya n-ninji hoo man zangyi la bunni n-sobi n-ninji a zaa ba sufu ni

seem la. N nin leebi ba Naawunni, Ka ba gba leebi n niriba."

- 1 Piita 1:13 Anjo zaa zugu, see ka ya maali siri ya sufu ni, ka mari ya mansi. Ya zanjma ya sufu ni teesa ba'aba zaa n-ninji ya tama maa yela ni, zanjni n-kyanji bunsunseesi Naawunni non ya n-zanji n-ti ya, Yisa Masiya non ti ya yi paalu na dahinseaa la.
- 1 Piita 5:2 Ya ninji hoo bunkobguriba n-guri Naawunni peesi n-ti u: ba be la ya saani, dizugu see ka ya guri ba sunja hoo Naawunni non boori seem, pa la so non mugi ya zugu amaa ya sufu yuubu. Ya tumma ya tuma sunja, pa la ligri boobu zugu, amaa ya manja non boori nimmoosi ka ya tumni zugu.
- 2 Piita 3:1 To, n zosuma, gbanju kanjo paasi la gbana ayi man pun sobi n-ti ya. Gbana maa zaa puuni ka n boori ni ya yam ti neaai yelisuma zaa puuni.
- Gyeemsi 1:17 Piinisunju kan veela zaa yi la saazugu na, n-yiiri ti Ba saani na, So non su bunseesi an neaari saazugu zaa maa. Don mun bu takkra, u bu nmanni la hoo sisiisi an ta'asira. (Ayuuba 23:13)
- Kasigri 17:9 To! [Kpa wa ka nira yi zanjni yam m-banji di gbinni sunjasunja] bunkobgu zugri ayopoi la, anjo mun nye kunkuna ayopoi seesi zugu po'a maa non ziya maa. Ni nadima ayopoi n nye a gba.

Teesa Litaafi - Bad Mind Scriptures

- Maaki 7:21 Dama teesibeeri zaa yiiri ninsaala puuni, ni u sufu ni, na; ana n kye ka u tumni tumbeeri zaa - u tumni zina, n-faara, n-zuura, n-kuuri niriba, m-boori seeba po'aba; (Ezikiyeli 38:10)
- Luuki 12:29 Dinzugu yan di fabinna, bee n-teesiri yan ya di seelli yela, bee yan ya n-nyu seelli.
- Tuumudima Tuma 12:20 To; ka NaaHeroodi sufu daa yisigi n-ninji Taaya ni Saidoon niriba ka ba daa la'am taaba n-kye na ni ba ti nya u. Ba daa kur to'asiri n-tiri Bilasitusi - non daa gosiri Naaba duu yela n-tiri u la - halli ka u ti sakki ni u nin zo ba sindaani Naaba maa saani. Ba tinsi maa non daa deaari ba bundira Naa maa tingbana ni la zugu n-daa la.
- Tuumudima Tuma 14:2 Amaa Yehudiyadimseeba ban daa za'asi yedda ninbu la daa tugli ban pa Yehudiya niriba la n-kye ka ba suuri yisigi, ka ba daa zabi ni yeddaniqniba maa.
- Room Dima 1:28 Ban daa bu sakki ni ba banji Naawunni maa zugu n kye ka Naawunni daa zanjni ba m-basi ba toori teesiyoya ni, nti tumni tunseesi an bu tuusi.
- Room Dima 8:6,7 Ningbinkorisi teesa tiri la kum, amaa sii maa beesigu teesa tisiri la nyovuri ni sufudooa. 7 Duniya wa ni ningbinkorisi teesa kur zanjni la Naawunni dimni; a bu sakkri n-tiri Naawunni zaaligu - ka mun pun ku toaai n-sakki lala.
- Room Dima 11:20 To, yelimanji nla. Lala wula maa ka ba daa nmaai m-basi a yedda kaalinsi maa zugu; ka nyini ka ba daa tugi n-tabli, i yedda ninbu zugu. Dizugu nyin di mari karimbaani, see ka i zori dabeem,

- 2 Korinti Dima 10:5 m-paasi bunseelikam zaa kan duusiri kamaŋa ka za'asiri Naawunni yela bamsim. Ti mun zabri ni ti ti gbaasi sufu ni teesa zaa, n-kye ka a zaa ti wum n-ti Kirisita.
- 2 Korinti Dima 11:3 Amaa dabeem mari ma, dama n teaari Hawa yela, ni, waafu daa zaŋŋi u putoyam n-yomsu u n-nyaŋŋi u; man mun n zori, ni, di yi pa seem ya nin burigi n-yi yelimaŋni soseaa yan nin mari n-doli Kirisita wa ni.
- Esesusi Dima 2:3 Halli tirim zaa gba daa be la ban puuni sahaseaa, n-tumni la ti tumbeeri beesigu ŋon daa boori seem, n-doli ka boorimma ni ka teesa. Hoo banla, duniya wa ala'akyi dima n daa nye ti gba. Seseelli daa bu sumni ti, na'ala Naawunni sugyeeaa ni tubdarigri.
- Esesusi Dima 4:17 N yetti ya la nŋa :- n kukori ka n yetti ni, Naawunni zugu, ni, yan di kye ka ya beesigu na be la hoo ban bu mi Naawunni la ŋon be seem, ba sufu ni teesiyya ziilinsi zugu.
- Koloosi Dima 1:21 Yarim muna, sahanseaa la ya gba daa za'asi Naawunni yela ka yaai u, ka di daa nye la ya teesibeeri ni ya tumbeeri zugu. (Nyesa 21:27; Ezikiyeli 23:17)
- Koloosi Dima 2:18 Yan di kye ka ba bugsi ya yela n-yomsiri n-yetti, ni, ya lu ni. Ba sigsiri ba mansi n-gyeemni malaakadima; amaa di zaa yori, yelimaŋni ba doli la ba suntoori teesa, ka wulisiri ban nya bunseesi la yela yinniyyini, ka di kpeesiri ba la karimbaani.
- 1 Tesalonika Dima 5:14 Ti mabiisi, ya kpaamni gbinnya'a dima. Ka ban sufu miligi la muna - ya maari ba sufu n-tiri ba: halli ya sunŋma ban gbarigi la, ka mari sugru ni sokam zaa.
- 2 Tesalonika Dima 2:2 Ti susiri ya ni, ti mabiisi, ni, yan di kye ka ya yem nmaara, bee, n-gyigra, seeba ŋon yetti, ni, ti Dugma lappu na pun gaari la zugu, halli so yi ti to'asi anabitiri n-yeli lala, bee, so yi to'asi Yeligu maa yetto'a n-yeli lala, bee, ba yi ti sobi gbaŋu, ni, ka yiiri la tirima saani na, n-yeli lala ka puuni.
- 1 Timoti 6:5 Niriba wa taabu teesa sa'amiya zaa, ka ba daamni la taaba dizugu; ba koŋŋni la yelimaŋni zaa gba, ka teesiri, ni, Naawunni soori zugu nin kye ka ba nya arizikki n-niŋi bundaandima.
- 2 Timoti 3:8 To, ka niriba wa nmanni la Gyansi ni Gyambirisi, ban daa nye Igyipti doseeba ban daa kyiisi Musa yela la; lala ka niriba wa yi kyiisiri yelimaŋni maa. Lala niriba zaa mari la teesibeeri, ka koŋŋi yedda soori doligu.
- Taituusi 1:15 Bunseelli kam zaa nye la kasi n-ti ninvugseeba ban nye kasi; amaa ban tumni da'ari tuma ka bu niŋni yedda la, bunseelli n ka ni n-nye kasi n-ti ba. Ba sufu, ni ba sufu ni teesa zaa nye la da'ari.
- Hibruu Dima 12:3 Ya siri teaama u yela, ŋon daa morigi n-di wahalaseaa ala'akyi dima ŋon daa yaai u yela seem la. Lala nin kye ka ya yedda ku gbarigi, bee, ya sufu n-kyirim.
- Gyeemsi 1:8 Teesa ayi daana n nye u, u ku ze yimmu, u laanni ni u yela zaa puuni.